

ՀԱՎԵԼՎԱԾ
Հաստատված է
Հայաստանի Հանրապետության
կենտրոնական բանկի խորհրդի
2013 թվականի դեկտեմբերի 27-ի թիվ 319-Ն որոշմամբ

ԿԱՐԳ

ԱՆՈՒՏԵՏԻ ՄՆԱՅՈՐԴԱՅԻՆ ԳՈՒՄԱՐԻ ՀԱՇՎԱՐԿՄԱՆ ԵՎ ԱՅԼ ԱՊԱՀՈՎԱԳՐԱԿԱՆ ԸՆԿԵՐՈՒԹՅԱՆ ՓՈԽԱՆՑՄԱՆ

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգում օգտագործված հասկացություններն ունեն հետևյալ նշանակությունը.
 - 1) *անուիտետ*' ըստ «Ապահովագրության և ապահովագրական գործունեության մասին» Հայաստանի Հանրապետության օրենքի.
 - 2) *ապահովագրական ընկերություն*' ըստ «Ապահովագրության և ապահովագրական գործունեության մասին» Հայաստանի Հանրապետության օրենքի
 - 3) *ապահովադիր (մասնակից)*' ըստ «Ապահովագրության և ապահովագրական գործունեության մասին» և «Կուտակային կենսաթոշակների մասին» Հայաստանի Հանրապետության օրենքների
 - 4) *Կենտրոնական բանկ*' Հայաստանի Հանրապետության կենտրոնական բանկ,
 - 5) *Օրենք*' «Կուտակային կենսաթոշակների մասին» Հայաստանի Հանրապետության օրենք

ԳԼՈՒԽ 2. ԱՆՈՒՏԵՏԻ ՊԱՅՄԱՆԱԳՐԻ ՓՈԽԱՆՑՄԱՆ ԳՈՐԾԸՆԹԱՅԸ

1. Անուիտետի պայմանագրով ապահովադիրը կամ նրա ամուսինը կամ նրանց լիազորված անձն իրավունք ունեն անուիտետի պայմանագրով նախատեսված ամբողջ գումարը կամ դրա մի մասը մեկ ապահովագրական ընկերությունից (այսուհետ՝ ապահովագրական ընկերություն) փոխանցել այդ փոխանցումը ընդունող մեկ այլ ապահովագրական ընկերությանը (այսուհետ՝ նոր

ապահովագրական ընկերություն), եթե ապահովագրական ընկերությունը տասներկուամսյա ժամանակահատվածում երկու և ավելի անգամ անուիտետ չի վճարել, ինչպես նաև երկու և ավելի անգամ անուիտետի պայմանագրի որևէ այլ խախտում է թույլ տվել: Այս դեպքում, ապահովադիրը կամ նրա ամուսինը կամ նրանց լիազորված անձն իրավունք ունեն իրենց նախաձեռնությամբ միակողմանի լուծել պայմանագիրը՝ ապահովագրական ընկերությունից պահանջելով վճարել մնացորդային գումարը և պատճառված վնասները:

2. Փոխանցում իրականացնելու դեպքում ապահովադիրը պետք է նոր ապահովագրական ընկերության հետ լրացնի անուիտետի ձեռքբերման դիմում և սույն կարգով սահմանված անուիտետի փոխանցման դիմումը՝ համաձայն Հավելված 1-ի, ինչպես նաև ներկայացնի.

- 1) ապահովագրական ընկերության հետ կնքած անուիտետի պայմանագրի պատճենը
- 2) անուիտետի հաշվի վերջին քաղվածքը,
- 3) լիազորված անձի դեպքում՝ լիազորագիր

3. Նոր ապահովագրական ընկերությունը փոխանցման դիմումը ստանալուց հետո 3 աշխատանքային օրվա ընթացքում պետք է ներկայացնի այն ապահովագրական ընկերությանը:

4. Փոխանցման դիմումը ստանալուց հետո 3 աշխատանքային օրվա ընթացքում ապահովագրական ընկերությունը պարտավորվում է նշված գումարը փոխանցել նոր ապահովագրական ընկերությանը:

ԳԼՈՒԽ 2. ԱՆՈՒԻՏԵՏԻ ՄՆԱՑՈՐԴԱՅԻՆ ԳՈՒՄԱՐԻ ՀԱՇՎԱՐԿՄԱՆ ԿԱՐԳԸ

5. Սույն կարգի 2-րդ կետով նախատեսված դեպքում ապահովագրական ընկերության կողմից նոր ապահովագրական ընկերությանը փոխանցվող գումարը հաշվարկվում է իբրև տվյալ ապահովագրական ընկերության հետ կնքված անուիտետի պայմանագրով վճարված ապահովագրավճարների մեծություն (կամ տվյալ ապահովագրական ընկերությանը փոխանցված միանվագ գումար) ներառյալ՝ տասներկուամսյա ժամանակահատվածում երկու և ավելի անգամ չվճարված անուիտետների մեծությունը և պայմանագրով նախատեսված տոկոսները՝ նվազեցրած մինչև փոխանցման պահը արդեն վճարված անուիտետները, ապահովագրության պայմանագրի հետ կապված փաստացի կատարված ծախսերը: Ընդ որում, սույն մասով նախատեսված ապահովագրավճարների փոխանցումը չի համարվում անուիտետի կողմից դրանց միանվագ ստացում:

6. Փոխանցման դեպքում փոխանցման հետ կապված այդ թվում՝ պայմանագրի վաղաժամկետ դադարեցման տուժանք չի կարող կիրառվել:

Անուիտետի մնացորդային գումարի փոխանցման դիմում

Փոխանցվող անուիտետի պայմանագրի համարը _____

Տվյալ ապահովագրական ընկերության
անվանումը _____

Տվյալ ապահովագրական ընկերության գործունեության հասցեն

Ապահովադրի/անուիտետի անունը _____

Ապահովադիր/անուիտետի անձնագրային տվյալներ _____

Ամուսինների անուիտետի դեպքում ամուսնու անունը _____

Ամուսինների անուիտետի դեպքում ամուսնու անձնագրային
տվյալները _____

Լիազորված անձի անուն, ազգանունը _____

Լիազորված անձի անձնագրային տվյալները _____

Ժառանգի(ների) անուն(ներ)ը _____

Ժառանգի անձնագրային տվյալներ _____

Հասցեատեր _____ :
[Տվյալ ապահովագրական ընկերության անվանումը]

Թույլատրում եմ իմ անուիտետի հաշվից փոխանցել _____ ՀՀ դրամ _____ :

[Նոր ապահովագրական ընկերության անունը]

Խնդրում եմ նվազեցումը կատարել.

___ անմիջապես

___ սկսած (ամսաթիվ) _____ -ից

Նվազեցրած բոլոր միջոցները փոխանցել _____ -
[Նոր ապահովագրական ընկերության անվանումը]
ում բացված իմ անուիտետի հաշվին.

Անուիտետի ստորագրությունը

ամսաթիվ